

UGOVOR O IZVOĐENJU RADOVA

Ovaj Ugovor je sklopljen dana 11.05.2023. godine u Mostaru između:

Agencije „Stari Grad“, M.Tita 170; 88 000 Mostar(u daljnjem tekstu “Naručitelj”) koju zastupa direktor Miralem Fajić, na jednoj strani

i G.D. „BIŠINA“ d.o.o. Mostar, Ul.Braće Brkića br.6, 88104 Mostar Identifikacijski broj:4227213130004 (u daljnjem tekstu “Izvođač”) koju zastupa direktor Mirsad Bajgorić, na drugoj strani.

Budući da je Naručitelj nakon sprovedenog postupka javne nabavka radova (brojčana oznaka JRJN: 45000000-7), Poduzimanje hitnih mjera uklanjanja nestabilnih dijelova objekta „Stolarije“ JU Narodnog pozorišta Mostar, prihvatio izvođačevu ponudu kao najpovoljniju za izvođenje i završetak ugovorenih radova po cijeni od 12.541,76 KM (dvanaesthiljadapetstinačetdesetjedna KM i 76/100) sa PDV-om, (u daljnjem tekstu “ugovorna cijena”), strane su se dogovorile kako slijedi:

Član 1.

UGOVORNI DOKUMENTI

1.1 Sljedeći dokumenti smatrat će se sastavnim dijelovima ugovora:

- (1) Ponuda odnosno specifikacija cijena (predračun radova) koje je podnio ponuđač
- (2) Projektne specifikacije i tehnički opis


Član 2.

PREDMET UGOVORA

Poduzimanje hitnih mjera uklanjanja nestabilnih dijelova objekta „Stolarije“ JU Narodnog pozorišta Mostar.

Izvođač je dužan:

- a) graditi u skladu s izdatim odobrenjem za građenje i tenderskim dokumentom,
- b) radove izvoditi tako da tehnička svojstva građevine odgovaraju utvrđenim uslovima za odnosnu građevinu,
- c) ugraditi materijale, opremu i proizvode u skladu sa standardima i normativima definisanim projektnom dokumentacijom,
- d) prihvatiti odgovornost za eventualnu nastalu štetu trećim licima, kao posljedicu implementacije ovog ugovora
- e) poduzeti mjere za sigurnost građevine i radnika u skladu s važećim zakonskim propisima,
- f) prilikom građenja povjeriti izvođenje građevinskih radova i drugih poslova radnicima koji ispunjavaju propisane uslove nomenklaturom zanimanja za izvođenje tih radova, odnosno obavljanja poslova,
- g) sastaviti pisanu izjavu o izvedenim radovima, odnosno zahvata u prostoru



- h) snosi sve rizike do konačne primopredaje izvedenih radova na lokaciji od strane Naručioca, i u roku koji je propisan ugovorom.
- i) za potrebe uređenja gradilišta izvođač radova je obavezan izraditi Plan organizacije gradilišta sukladno članu 9. Uredbe Vlade Federacije BiH o uređenju gradilišta, obaveznoj dokumentaciji na gradilištu i sudionicima u građenju.
- j) uredno voditi gradilišnu dokumentaciju sukladno Uredbi Vlade Federacije BiH o uređenju gradilišta, obaveznoj dokumentaciji na gradilištu i sudionicima u građenju („Službene novine FBiH“ br. 25a/22 i 42/22 i 93/22), ostalim važećim propisima i ovim ugovorom iz koje će se vidjeti tok, način i obim izvršenih radova.

Član 3.

UGOVORNA CIJENA

3.1 Ugovorna cijena za izvršenje ugovornih radova prema članu 2. ovog ugovora iznosi:

neto vrijednost radova: 10.719,45 KM

slovima: (desethiljadasedamstotinadevetnaest i 45/100 KM)

i porez na dod. vrijed. – PDV: 1.822,31 KM

slovima: (hiljaduosamstodvadesetdvije i 31/100 KM)

što ukupno iznosi 12.541,76 KM

slovima: (dvanaesthiljadapetstotinačetdesetjedna KM 76/100)

3.2. Cijena za izvođenje radova određena je po jedinice mjere tj. po jediničnim cijenama.

Jedinične cijene radova iz stavki troškovnika su fiksne i neće se mijenjati.

Član 4.

NAČIN PLAĆANJA

4.1. Plaćanja Izvođaču u okviru ovog ugovora izvršit će se po završetku radova putem trezora Grada Mostara, u roku ne dužem od 30. dana od dana podnošenja računa od strane Izvođača Naručiocu.

4.2. Naručilac će platiti ugovornu cijenu ili druge iznose, koji dopijevaju za plaćanje na temelju odredbi ugovora u vrijeme i na način propisan ugovorom, putem trezora Grada Mostara na račun Izvođača broj: **1346741006833986 kod ASA Banke d.d. Sarajevo.**

Član 5.


ROKOVI

5.1 Rok završetka radova

Izvođač se obvezuje da će ugovorene radove izvršiti u roku od **30 (trideset)** dana nakon obostranog potpisa ugovora od strane Naručioca i Izvođača.

5.2 Rok uspostavljanja gradilišta na raspolaganje Izvođaču.

Naručilac će staviti izvođaču gradilište na raspolaganje dan nakon obostranog potpisa ugovora od strane Naručioca i Izvođača.



Član 6.

UGOVORNA KAZNA

- 6.1 Ugovorna kazna za prekoračenje ugovornog roka završetka radova iznosi 0,05% od ugovorne cijene po danu zakašnjenja.
- 6.2 Maksimalni iznos ugovorne kazne za prekoračenje ugovornog roka, prema 6.1 gore, je 3% od ugovorne cijene.

Član 7.

UGOVORNO PRAVO

7.1 Mjerodavno pravo ugovora je pravo Bosne i Hercegovine i Federacije Bosne i Hercegovine.

Član 8.

JEZIK UGOVORA

- 8.1 Mjerodavni jezik ugovora je jedan od službenih BiH jezika

Član 9.

JAMSTVO ZA DOBRO IZVRŠENJE UGOVORA

- 9.1. Nije primjenjivo

Član 10.

JAMSTVENO RAZDOBLJE

- 10.1. Jamstveno razdoblje iznosi: 2 godine – za opremu i građevine.

Član 11.


ARBITRAŽA

- 11.1 Postupak arbitraže: U skladu s Pravilnikom o rješavanju sporova Stalnog izabranog sudišta pri Privrednoj komori u Mostaru.
- 11.2 Mjesto arbitraže: Mostar

Član 12.

GRADILIŠNA DOKUMENTACIJA

- 12.1. Izvođač je obavezan uredno voditi gradilišnu dokumentaciju u skladu sa Uredbom Vlade Federacije BiH o uređenju gradilišta, obaveznoj dokumentaciji na gradilištu i sudionicima u građenju („Sl. novine FBiH“ broj: 25a/22) i ostalim važećim propisima i ovim ugovorom iz koje će se vidjeti tok, način i obim izvršenih radova.



Član 13.

PREDSTAVNIK NARUČITELJA

13.1 Naručitelj imenuje gosp. **Šain Antu dipl.ing.građevine kao Voditelja projekta**, koji će djelovati u njegovo ime u svrhu ovog ugovora, obavljati kontrolu nad provođenjem ugovora i ostale poslove u okviru istog.

Član 14.

PREDSTAVNIK IZVOĐAČA

14.1 Izvođač imenuje, gosp. **Elezović Nihada dipl.ing.građevine kao svog ovlaštenog predstavnika**, koji će djelovati u njegovo ime u svrhe ovog ugovora.

Član 15.

OBAVIJESTI

15.1. Službene obavijesti će se upućivati na adresu navedenu u zaglavlju ugovora.

Član 16.

STUPANJE UGOVORA NA SNAGU

16.1 Ugovor stupa na snagu po ispunjenju svih niže navedenih uslova:

- ugovor su potpisale obje strane;

Član 17.

17.1 Ovaj ugovor je sastavljen u 4 (četiri) istovjetna primjerka, od kojih svaka strana dobiva po 2 (dva) primjerka.

U potvrdu gore navedenog strane su potpisale ovaj dokument, čime je ugovor u skladu sa važećem zakonu sklopljen u Mostaru dana i godine naznačenih na početku ugovora.

U ime NARUČITELJA:
GRAD MOSTAR
AGENCIJA „STARI GRAD“

Direktor: Miralem Fajić dipl. pravnik

Protokol: I-19-275-13/23
Datum: 11.05.2023.godine

U ime IZVOĐAČA:
„G.D. „BIŠINA” d.o.o.Mostar

Direktor: Mirsad Bajgorić

